



«25» апрел 2020 йил

№ 938

Боғот шаҳарчаси

Хоразм вилояти ҳокимининг 2020 йил 23 апрелдаги “2021 йил учун вилоят маҳаллий бюджети лойиҳасини ва 2022-2023 йиллар учун бюджет мўлжалларини тузиш, кўриб чиқиш ва Молия вазирлигига тақдим этиш бўйича амалга ошириладиган чора-тадбирлар тўғрисида”ги 164к-сонли қарори ҳақида

Ўзбекистон Республикаси Бюджет кодексининг 90-94 моддаларига ҳамда Ўзбекистон Республикаси Молия вазирлигининг 2020 йил 15 апрелдаги 03/04-20-02-34/105-сонли бюджет сўровига мувофиқ туман маҳаллий бюджет лойиҳасини тайёрлаш ва вилоят молия бош бошқармасига тақдим этиш ҳамда бу юзадан вилоят ҳокимининг 2020 йил 23 апрелдаги 164к-сонли қарорининг ижросини таъминлаш мақсадида

Қарор қиламан:

1. Хоразм вилояти ҳокимининг 2020 йил 23 апрелдаги “2021 йил учун вилоят маҳаллий бюджети лойиҳасини ва 2022-2023 йиллар учун бюджет мўлжалларини тузиш, кўриб чиқиш ва Молия вазирлигига тақдим этиш бўйича амалга ошириладиган чора-тадбирлар тўғрисида” ги 164к-сонли қарори раҳбарлик ва ижро учун қабул қилинсин.

2. Ўзбекистон Республикасининг Бюджет кодексининг 90-моддасига асосан 2021 йил учун туман маҳаллий бюджетидан молиялаштириладиган бюджет маблағлари олувчиларига бюджет сўрови юборилсин.


3. Туман маҳаллий бюджетидан молиялаштириладиган бюджет ташкилотлари белгиланган тартибда шу йилнинг 25 май кунидан кечиктирмаган ҳолда 1-иловадаги жадвал асосида 2021 йил учун бюджетдан ажратиладиган маблағлар олишга туман молия бўлимига буюртмалар берсинлар.

4. Туман молия бўлими (Ж.Рўзметов) Ўзбекистон Республикаси Бюджет кодексининг талабларига ва Молия вазирлиги томонидан юборилган услубий тавсияларга амал қилган ҳолда белгиланган тартибда 2020 йилнинг 15 юнидан кечиктирмай вилоят ҳокимлигининг молия бош бошқармасига 2021 молия йилига туман маҳаллий бюджети лойиҳасини ва 2022-2023 йиллар учун бюджет мўлжалларини тақдим этсин.

5. Юқоридаги топшириқларнинг бажарилишини таъминлаш мақсадида ишчи гуруҳи таркиби 2-иловага мувофиқ тасдиқлансин.

6. Ушбу қарорнинг ижросини назорат қилиш туман ҳокимининг молия-иқтисодиёт ва қамбағалликни қисқартириш масалалари бўйича биринчи ўринбосари С.Қурбонов зиммасига юклансин.

Боғот тумани ҳокими



О.Холбоев